

SERVISU MIGRASAUN KOMEMORA 16 ANOS NIA EZISTENSIA

Dili- Diresaun Geral Servisu Migrasaun, hamutuk ho membru tomak husi sivil no Polisia Nasional Timor-Leste, ohin loron, 13 fulan Janeiru tinan 2019, selebra nia aniversariu ba dala XVI (dasunulu resin nen), ho asaun de grasa liu husi misa agradesementu, ne'ebe hala'o iha Centro Formação Polícia (CFP) Comoro no kontinua tau aifunan iha semiteriu Santa Cruz hodi fo homenajem ba maluk matebian sira neebe mate ona durante fo dedikasaun tomak hanesan ajente seguransa nasaun nian nomos



ba saudozu sira neebe maka fo an ba mate hodi liberta rai ida ne'e durante tempu okupasaun. Hafoin remata misa ne'e, Diretor Geral Servisu Migrasaun, Superintendente Asistente polisia Boavida Ribeiro, kongratula komisaun organizadora, tanba ho misa ida ne'e, bele haforsa espiritual membru sira hodi servisu diak liutan. "La sente ohin ita tama ba tinan sanulu resin nen ona. ida ne'e hanesan asaun degrasa ba tulun tomak, ho tinan naruk ida ne'e, ita nia espiritu solidu no forte nafatin hodi komemora aniversariu desimu sestu aniversariu Servisu Migrasaun nian. Tinan ida ne'e ita nafatin servisu hamutuk, atu bele implementa planu estratejiku ne'ebe hanaran "modernizasaun no transformasaun". Ne'e duni, ita kontinua hamutuk hases tia obstaklu ne'ebe ita hasoru iha tinan kotuk hodi halo diak liutan servisu migrasaun iha futuru. Maibe sei iha buat barak maka persija hadia diak liutan hanesan "maturidade no profesionalismu" hodi hetan postura ne'ebe diak liu. Ne'e duni ho misa agradesementu ida ne'e, bele haforsa ita nia espiritual hodi servisu diak liutan nomos atu refleta ita ida'idak nia an, tantu hanesan individu nomos instiuisaun estadu nian. Agradese ba amu selebrante ne'ebe diriji misa, ba alin koru sira ne'ebe hananu ho kapas tebes nomos ba hotu ne'ebe marka prezensa iha ne'e. Sai husi misa, Diretor Geral adjuntu Servisu Migrasaun, hamutuk ho membru sira lori aifuanan ba tau iha Cruz bot Santa Cruz nian, hodi fo homenajem ba maluk matebian sira neebe mate ona durante fo dedikasaun tomak hanesan ajente seguransa nasaun nian nomos ba saudozu sira neebe maka fo an ba mate hodi liberta rai ida ne'e durante tempu okupasaun. Misa agradesmentu ne'e partisipa husi representatnte Sekretariu Estadu Protesaun Sivil, Representatnte Komando Jeral PNTL, Diretores Gerais, Diretores Nacionais, ofisiais Polisia no ajenti, Xefi Sektor, adidu migrasaun, inklui mos funsionariu sivil sira. #AX